


二十四孝



二十四孝目錄

孝感動天 虞舜

親嘗湯藥 漢文帝

嚙指心痛 周曾子

單衣順母 周閔損

為親負米 周仲由

戲綵娛親 周老萊子

鹿乳奉親 周郊子

賣身葬父 漢董永

行傭供母

後漢江革

扇枕溫衾

後漢黃香

湧泉躍鯉

漢姜詩

刻木事親

漢丁蘭

為母賣兒

漢郭巨

搯虎救父

晉楊香

拾樵供親

漢蔡順

懷橘遺親

後漢陸績

聞雷泣墓

魏王裒

哭竹生筍

吳孟宗

卧冰求鯉

晉王祥

恣蚊飽血

晉吳猛

嘗糞憂心

南齊庾黔婁

乳姑不怠

唐唐氏

滌親溺器

宋黃庭堅

棄官尋母

宋朱壽昌



孝感動天

潘祖蔭書

虞舜姓姚名重華瞽瞍之子性至孝父頑
母嚚弟象傲舜耕於歷山象為之耕鳥為
之耘其孝感如此陶於河濱器不苦窳漁
於雷澤烈風雷雨弗迷雖竭力盡瘁而無
怨懟之心堯聞之使總百揆事以九男妻
以二女相堯二十有八載帝遂讓以位焉

隊隊耕田象

紛紛耘草禽

嗣堯登寶位

孝感動天心



親嘗湯藥

章 鑒書

前漢文帝名恆高祖第三子初封代王
生母薄太后帝奉養無怠母病三年帝
為之目不交睫衣不解帶湯藥非口親
嘗弗進仁孝聞於天下

仁孝臨天下

巍巍冠百王

漢庭事賢母

湯藥必親嘗



嚙指心痛

孫如僅書

周曾參字子輿孔子弟子事母至孝參
嘗採薪山中家有客至母無指望參不
還乃嚙其指參忽心痛負薪以歸跪問
其故母曰有急客至吾嚙指以悟汝爾

母指纔方嚙

兒心痛不禁

負薪歸未晚

骨肉至情深



單衣順母

盧士杰書

周閔損字子騫孔子弟子早喪母父娶後
母生二子衣以棉絮妒損衣以蘆花父令
損御車體寒失韉父察知故欲出後母損
曰母在一子寒母去三子單母聞改悔

閔氏有賢郎

何曾怨晚孃

父前留母在

三子免風霜



為親負米

黃 鈺書

周仲由字子路孔子弟子家貧食藜藿
之食為親負米百里外親沒南游於楚
從車百乘積粟萬鍾累裊而坐列鼎而
食乃歎曰雖欲食藜藿之食為親負米
不可得也

負米供甘旨

甯忘百里遙

身榮親已沒

猶念舊劬勞



戲綵娛親

瑞聯書

周老萊子楚人至孝奉二親極其甘脆
年七十言不稱老著五綵斑斕之衣為
嬰兒戲舞於親側又取水上堂詐跌臥
地作小兒戲以娛親喜

戲舞學嬌癡

春風動綵衣

雙親開口笑

喜氣滿庭闈